



DEPORTE
GALEGO

OPEN MAR-COSTA VETERANOS 2026

O Campionato Galego Open Mar-Costa Veteranos está convocado pola Federación Galega de Pesca e Casting, sendo responsable da súa organización a Delegación Provincial desta Federación na Coruña, baixo a supervisión do Comité Técnico da especialidade. A Competición rexerese, ademais de por estas bases, polas normas de pesca de Galicia e polo Regulamento de Competición de Pesca Deportiva e Casting da F.G.P. e C.

Lugar e Data: **28 de marzo** do 2026 na praia de Covas (Viveiro)

Escenario alternativo: Praia de Area (Viveiro)

Data alternativa 4 de abril.

Ao ser un Open, os deportistas terán que facer para a súa inscrición un ingreso de 20,00 €, por deportista, na conta da F.G.P. en ABANCA: ES34 2080 0176 9630 4001 0672 ata a data linde do 19 de marzo do 2026 ás 12,00 horas. As inscricións cómpre facelas exclusivamente ao correo delegadocoruna@fgpesca.org acompañando o xustificante de pago

Para aqueles clubs que non tramitasen un mínimo de 20 tarxetas federativas no 2025, o importe da inscrición será de 50.- € por deportista inscrito.

É obrigatorio que cada Club achegue unha persoa, para facer labores de Control, dúas por máis catro deportistas inscritos. O non cumprimento desta obriga fará que os membros do Club non poidan participar na competición. De ser necesario, aplicarase a excepción acordada polo Comité de Mar Costa para aqueles Clubs que so inscriban a un deportista. Os deportistas participantes deberán de ter cumpridos ou cumprir os 53 anos de idade na tempada 2026.

BASES

Xurado: Estará composto polos tres Representantes dos deportistas para o Sorteio, dous membros da organización e o xuíz da competición

Mangas: Desenvolverase en dúas mangas de tres horas cada unha delas. Tanto o inicio como no remate da manga será indicado con sinais acústicas.

Cada Club poderá facer unha primeira inscrición de, como máximo, 5 deportistas.

A capacidade do escenario quedou fixada en 40 deportistas. Unha vez feitas tódalas inscricións, os clubs que así o desexen, poderán inscribir máis deportistas. No caso de que as inscricións superen a capacidade do escenario, Federación Galega de Pesca e Casting www.fgpescas.org federacion@fgpesca.org



DEPORTE
GALEGO

as prazas adxudicaranse de forma proporcional ao número de tarxetas federativas que cada club tivese tramitadas na tempada 2025. Informarase aos clubs implicados neste procedemento sobre o número de tarxetas federativas que cada un deles tramitou na tempada 2025.

Para que a competición se desenvolva deberá de haber, coma mínimo, 12 deportistas inscritos.

O escenario estará dividido en tres ou catro sectores. Eses sectores, dividiranse en postos que terán unha lonxitude mínima de 20 metros cada un e máxima de 35. A cada sector atribuiránselle tantos postos como resulten de dividir o total de inscritos por tres ou por catro. A adxudicación dos distintos postos aos deportistas farase por sorteo dirixido.

Capturas: Os exemplares presentados á pesaxe aos que, polo menos lles falte un centímetro para acadar a talla mínima legal, contarán como penalización que será a equivalente ao peso deses exemplares. A baila equipararase a robaliza. No caso de sanción administrativa por incumprimento das tallas mínimas, a responsabilidade recae no deportista infractor.

Material Deportivo:

Canas: Nesta especialidade de Mar Costa autorízase ter dúas canas en tarefa de pesca por deportista, podendo ter montadas, de reserva, outras máis.

Cebo: Cada lote incluirá, probablemente, 3 caixas de gavián, 2 de coreano e 3 caixas de norte na 1ª manga, e 7 caixas de gavián e 1 de coreano na 2ª manga.

A Federación Galega de Pesca e Casting comunicará o número de participantes a un maiorista. O maiorista procesará tantos lotes de cebo coma deportistas haxa inscritos e serán iguais cantidades e especies para tódolos participantes. Será o maiorista o responsable de cobrarlles o cebo aos deportistas e de entregarllo no escenario da proba.

Anzois: Non poderán ser de medida inferior a 5 milímetros de anchura. Os deportistas non poden atoparse en posesión nos seus postos de pesca, de anzois cunha apertura inferior a 5 cm de ancho total. Quen infrinxa esta norma será descualificado nesa manga e se fora reincidente a descualificación alcanzará a todo ou campionato.

Será obrigatorio para tódolos deportistas dispor como elementos auxiliares no posto de pesca dun caldeiro de polo menos 17 litros e un osixenador, que estará en funcionamento sempre que haxa capturas no mesmo.

Medición e control das capturas:

Consideraranse válidas tódalas capturas. Os peixes que non acaden a talla mínima regulamentaria puntuaranse cun punto por peza. As capturas



DEPORTE
GALEGO

introduciranse no caldeiro (anzoada ou desanzoada), antes de facer un novo lanzamento coa cana. Ao deportista que incumpra esta norma non se lle considerarán válidas ningunha das capturas feitas ata ese momento nesa manga.

As capturas (puntos) serán verificadas polo xuíz, controis ou membros do Comité. En ningún caso poderá realizar o deportista el só a verificación. Os peixes unha vez medidos devolveranse á auga no menor tempo posible.

O/A deportista deberá de sacarlle o anzol á captura do xeito menos lesivo posible para o peixe, e deberá de manter a peza viva ata a súa verificación.

Programa día:

12,00 horas: Recepción dos participantes no escenario da proba.

12,15 horas: Sorteio de postos

13,00 horas: Entrega de documentación.

15,30 horas: Inicio da Primeira Manga.

18,30 horas: Fin da Primeira Manga.

DESCANSO

19,30 horas: Inicio da Segunda Manga.

22,30 horas: Fin da Competición.

Os horarios, poderán ser modificados por estar a praia ocupada por bañistas ou por outros condicionantes.

Normas de comportamento:

1º Para facer o lance pódese entrar na auga a altura do nocello.

2º Unha vez feito o lance, os deportistas e as canas deberán estar na parte seca, dende onde se fará a acción de cravado e loita coa peza. Preferentemente no centro do posto, retirado a 5 metros coma mínimo da liña separadora dos postos a súa dereita e esquerda.

3º Ao sinal de fin da manga é obrigado desistir de inmediato na acción de pesca, debendo retirar o aparello da auga, cobrando normalmente o aparello e decatándose da chegada dos Controis para a entrega das capturas.

Os deportistas deberan recuperar a liña rápida ou lentamente, pero a acción de recoller a tiróns, (jigging), está prohibida e suporá a non contabilización das capturas realizadas ata ese momento.

4º As capturas presentadas á pesaxe estarán libres de area, argazo, restos de aparellos, auga ou calquera outros corpos alleos ás mesmas.

5º Os deportistas agardarán a retirada das súas capturas no seu posto.



DEPORTE
GALEGO

6º Está totalmente prohibido botar calquera tipo de lixo ou vertedura contaminante ás augas ou á contorna. Os deportistas deberán deixar o posto de pesca totalmente libre de lixo. A infracción a esta norma dará lugar á descualificación do deportista.

7º Queda terminantemente prohibido o consumo de tabaco no transcurso de tódalas competicións oficiais organizadas pola Federación Galega de Pesca e Casting, dende a entrada aos postos ata o final da proba, establecéndose as correspondentes sancións, se é o caso, para quen as incumpra.

8º Só poderán entrar nos postos dos competidores os xuíces, os Controis e os membros da organización. A infracción a esta norma dará lugar á descualificación do deportista.

9º Os deportistas participantes deberán estar en posesión das licenzas federativa e de pesca en vigor. Asemade os clubs polos que compitan deberán de estar ao corrente das súas obrigas coa FGPeC. Tanto os deportistas coma os controis, deben ter licencia federativa polo club que representen.

10º Unha vez expostas as clasificacións provisionais, haberá un prazo de media hora para presentar reclamacións ou solicitar emendas. Esgotado este prazo as clasificacións pasarán a ser definitivas.

Entorpecer ou alterar o normal desenvolvemento da proba será motivo de expulsión inmediata da mesma. A acta da competición será elevada ao Comité de Disciplina que, de ser o caso, actuará de oficio.

Para outras disposicións non recollidas nas presentes bases decidirá o xuíz da proba.

As clasificacións publicaranse polo grupo de wassap.

Inscribirse nesta competición significa aceptar ser incluído no grupo de wassap da mesma sen previa solicitude de autorización.

Asdo. Manuel Campos Cruces

Presidente do Comité de Mar-Costa da F.G.P. e C.